



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԵՐԵՎԱՆ ՔԱՂԱՔԻ
ԱՌԱՋԻՆ ԱՏՅԱՆԻ ԸՆԴՀԱՆՈՒՐ ԻՐԱՎԱՍՈՒԹՅԱՆ
ՔԱՂԱՔԱՑԻԱԿԱՆ ԴԱՏԱՐԱՆ
ԱԶԱՓՆՅԱԿ-2 ՆՍՏԱՎԱՅՐ
(ՀՀ, համայնք ԵՐԵՎԱՆ, ԱԶԱՓՆՅԱԿ, ՀԱԼԱԲՅԱՆ Փ., շենք 41Ա, 10-ԲԴ ՀԱՐԿ)



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԵՐԵՎԱՆ ՔԱՂԱՔԻ ԱՌԱՋԻՆ
ԱՏՅԱՆԻ**

ԸՆԴՀԱՆՈՒՐ ԻՐԱՎԱՍՈՒԹՅԱՆ ՔԱՂԱՔԱՑԻԱԿԱՆ ԴԱՏԱՐԱՆ

Ո Ր Ո Շ ՈՒ Մ

ՀԱՅՑԱԴԻՄՈՒՄԸ ՎԱՐՈՒՅԹ ԸՆԴՈՒՆԵԼՈՒ ԵՎ

ԴԱՏԱԿԱՆ ԱԿՏԻ ՀՐԱՊԱՐԱԿՄԱՆ ՕՐ ՆՇԱՆԱԿԵԼՈՒ ՄԱՍԻՆ

ԵԴ2/1049/02/24

20.02.2024թ.

ք. Երևան

Հայաստանի Հանրապետության Երևան քաղաքի առաջին ատյանի
ընդհանուր իրավասության քաղաքացիական դատարանի (այսուհետ նաև՝
Դատարան) դատավոր Ն. Հարությունյանս, քննության առնելով առնելով
«Շինպյուս» ՍՊԸ (այսուհետ նաև՝ Հայցվոր) հայցադիմումը վարույթ
ընդունելու հարցը,

Պ Ա Ր Չ Ե Ց Ի

Հայցվորը 08.02.2024 թվականին էլեկտրոնային համակարգի միջոցով հայցադիմում է ներկայացրել Դատարան ընդդեմ ՀՀ կառավարության տարածքային կառավարման և ենթակառուցվածքների նախարարության (այսուհետ նաև՝ Պատասխանող)՝ գնումների գործընթացին մասնակցելու իրավունք չունեցող մասնակիցների ցուցակում ներառելու մասին 02.02.2024 թվականին կայացված թիվ 201-Ա հրամանն անվավեր ճանաչելու: Հայցադիմումը դատավորի աշխատակազմի կողմից ստացվել է 09.02.2024թ.:

Դատարանի 13.02.2024 թվականի որոշմամբ հայցադիմումը վերադարձվել է:

Հայցադիմումը կրկին ներկայացվել է 14.02.2024 թվականին: Կրկին ներկայացված հայցադիմումը դատավորի աշխատակազմի կողմից ստացվել է 15.02.2024թ.:

ՀՀ քաղաքացիական դատավարության օրենսգրքի 234.6-րդ հոդվածի 1-ին մասի համաձայն՝ դատարանը հայցադիմումը վարույթ ընդունելու հարցը լուծում է այն ներկայացվելուց հետո՝ եռօրյա ժամկետում:

ՀՀ քաղաքացիական դատավարության օրենսգրքի 234.5-րդ հոդվածի 2-րդ մասի համաձայն՝ գնումների հետ կապված վեճերը քննվում և լուծվում են հայցադիմումը վարույթ ընդունելուց հետո՝ երեսուն օրվա ընթացքում: Դատարանի պատճառաբանված որոշմամբ սույն մասով նախատեսված ժամկետը կարող է երկարաձգվել մեկ անգամ՝ մինչև տասն օրացուցային օրով:

Քննության առնելով հայցադիմումը, ուսումնասիրելով կից ներկայացված փաստաթղթերը՝ Դատարանը գտնում է, որ ներկայացված հայցադիմումը համապատասխանում է ՀՀ քաղաքացիական դատավարության օրենսգրքի պահանջներին, առկա չեն հայցադիմումի ընդունումը մերժելու կամ հայցադիմումը վերադարձնելու հիմքեր:

Ելնելով վերոգրյալից և ղեկավարվելով ՀՀ քաղաքացիական դատավարության օրենսգրքի 199-րդ, 200-րդ, 234.5-րդ, 234.6-րդ, 234.9-րդ հոդվածներով՝

Ո Ր Ո Շ Ե Ց Ի

1. «Շինպյուս» ՍՊԸ հայցադիմումն ընդդեմ ՀՀ կառավարության տարածքային կառավարման և ենթակառուցվածքների նախարարության՝ գնումների գործընթացին մասնակցելու իրավունք չունեցող մասնակիցների ցուցակում ներառելու մասին 02.02.2024 թվականին կայացված թիվ 201-Ա հրամանն անվավեր ճանաչելու պահանջի մասին, ընդունել վարույթ և

համարել Դատարան ներկայացված այն սկզբնապես ներկայացնելու օրը՝
08.02.2024թ.:

2. Քաղաքացիական գործով եզրափակիչ դատական ակտը հրապարակել
2024 թվականի մարտի 25-ին՝ դատական իշխանության պաշտոնական
կայքում:

3. Որոշումն ուժի մեջ է մտնում կայացման պահից:

Դատավոր՝ Նելլի Հարությունյան

Տվյալ ֆայլերին կարող եք ծանոթանալ նաև մուտք գործելով "[Էլեկտրոնային դատավարություն](http://cabinet.armlex.am)" համակարգ՝
cabinet.armlex.am